

Forskrift om ledsagerbevis for menneske med funksjonsnedsetting

Innhald

Ikrafttredelse 15.06.2023

Gjelder for Skjåk kommune, Innlandet fylke

Heimel LOV-2018-06-22-83-§5-3

Kunngjort **Tidspunkt vil koma automatisk**

Korttittel Forskrift for ledsagerbevis for menneske med funksjonsnedsetting, Skjåk

Heimel: Fastsett av Skjåk kommunestyre 15.06.2023 med heimel i LOV-1992-09-25-107-§6, LOV-2018-06-22-83-§5-3.

§ 1 Formål og verkeområde

Ledsagerbevis skal sikre at personar med funksjonsnedsetting med behov for bistand, blir gjeve same høve som anna befolkning til å delta i samfunnet, og skal førebygge isolasjon. Ledsagerbevis er ein dokumentasjon på behovet for slik bistand. Ordninga med ledsagerbevis omfattar personar med funksjonsnedsetting som er venta å vare minst 2 år. Denne ordninga blir vedteke og administrert av Skjåk kommune, men er gyldig for heile landet dei stadene ordninga aksepterast.

§ 2 Om søknaden

Søknad om ledsagerbevis må innehalde legeerklæring og eigenerklæring som grunnjev varig funksjonsnedsetting og dokumenterer eit reelt behov for ledsager. Passfoto skal vedleggast søknaden.

§ 3 Varigheit

Ledsagerbeviset si varigheit vurderast av kommunen ved utsteding. Det kan gjevast tidsavgrensa eller varig gyldigheit. Gyldigheitsdato påførast beviset.

§ 4 Klageadgang

Vedtak om å innvilge eller avslå søknad om ledsagerbevis er å anse som eit enkeltvedtak.

Vedtaket kan i henhold til forvaltningslovens § 28, annet ledd påklagast til det kommunale klageorgan.

§ 5 Ledsagerbevis

Den som får innvilga søknaden får tildelt eit ledsagerbevis som skal tas med ved bruk. Beviset er ein dokumentasjon i form av eit kort på størrrelse med eit bankkort som utstedes til søkaren. Beviset er personleg og skal ikkje overlatast til andre. Type funksjonsnedsetting er ikkje omtala på ledsagerbeviset. Ledsagerbevis er ein dokumentasjon på at innehavaren har behov for ein eller fleire ledsagere grunna ein funksjonsnedsetting. På beviset skal det skrivast om det gjeld ein eller fleire ledsagere. Ledsager(e) er den eller dei som til einkvar tid bistår den med funksjonsnedsetting. Personen med funksjonsnedsettinga vel sjølv kven vedkomande vil bruke som ledsager frå gang til gang, det kan til dømes vere ein ven, familiemedlem, støttekontakt eller personleg assistent. Skjåk kommune har ein felles mal for ledsagerbeviset.

§ 6 Bruken av ledsagerbevis

Ledsagerbeviset skal gjeva den funksjonsnedsette sine ledsager(e) billegare eller gratis adgang til offentlege kultur- og fritidsarrangement, deltaking i frivillige lag og foreiningar, samt offentlege transportmiddel som den funksjonsnedsette ikkje ville kunne delta i/nyttiggjere seg utan bistand. Det er ein føresetnad for kommunale tilskot at innehavarar av ledsagerbevis for funksjonsnedsette som kjøper billett til ordinær pris til eit arrangement, gjevast rett til gratis billett for sin ledsager, eller at det er rabattordningar som gjer at billettprisane for den funksjonsnedsette og ledsager samla sett ikkje overstige prisen for ein ordinær billett. Verksemdene som godtek ledsagerbevis er oppmoda til å merke billettlukene og heimesider med «Ledsagerbevis akseptert». Der ledsagerbevis akseptert skal den funksjonsnedsette sjølv løyse ordinær billett. Ledsageren slepp inn gratis eller til redusert pris.

Det understrekast at «ordinær» billett er den til kvar tid gjeldande pris for ein person. For ein funksjonsnedsett som er uføretrygdet og har honnørkort, vil «ordinær» pris tyde honnørpris. Ledsagerbeviset gjeld for adgang til dei aktivitetar, arrangement, bygningar, transportmiddel eller anna som akseptera ordninga. Ordninga er landsdekkande og beviset kan brukast over kommune- og fylkesgrensene. Det blir ikkje gjeve refusjon til verksemdar eller tiltak som godtar ordninga med ledsagerbevis. Ledsagerbevis tildelast uavhengig av kor ofte det er aktuelt å gjere bruk av offentlege kultur- og fritidsarrangement eller offentlege transportmiddel. Ledsagerbeviset gjev ikkje fortrinn framfor anna publikum, og ein kan ikkje krevja å koma inn om det er fullt. Billetter må førehandsbestillast der dette er nødvendig, og det må da opplysast om at ein skal ha med ledsager.

Ordninga skal ikkje medføre særlege fordelar for ledsager anna enn at ledsager til dømes får delta på konserter, førestillingar o.a. der ledsagers deltaking er nødvendig. Det må ikkje stilles så strenge krav ved praktisering at ledsager må forlate arrangementet i dei periodar der ledsagers bistand ikkje er nødvendig. Ledsager kan til dømes ikkje krevje kursbevis på eit kurs sjølv om hans deltaking har vore nødvendig under heile kurset og ledsager har følgd kursverksemda. I tillegg kan ikkje ledsagerbevis brukas om ledsager til dømes driv eigentrening på eit treningssenter i tillegg til å bistå den funksjonshemma.

§ 7 Vilkår for ledsagerbevis

Ordninga gjeld for personar med ein varig funksjonsnedsetting. Som varig reknast funksjonsnedsetting av minst to års varighet. Det vil seie at kortare sjukdomsperiodar ikkje kvalifiserer for ledsagerbevis.

For å få tildelt ledsagerbevis må det vere eit tydeleg behov for bistand til å kunne delta på offentlege kultur- og fritidsarrangement, nytte offentlege transportmiddel og ordninga skal auke tilgangen til desse. Dette må dokumenterast med ein legeerklæring frå behandlande lege eller anna kvalifisert helsepersonell.

Det er ingen øvre eller nedre aldersgrense for å få ledsagerbevis, dersom behovet er dokumentert. For barn under skolealder må det dokumenterast at barnet har eit større ledsagerbehov enn det som hadde vore tilfelle dersom barnet ikkje hadde ein funksjonsnedsetting, og at det derfor medfører ekstra utgifter, samanlikna med jamnaldrande som deltek på same type aktivitetar. Det betyr at det er barn med eit særleg omfattande assistansebehov vil kunne tildelast ledsagerbevis heilt frå dei er småbarn.

Det kan vere at eit born med funksjonsnedsetting er på fleire aktivitetar med til dømes avlastarar enn vanleg hjå jamnaldrande. Det kan vere at barnet har behov for fleire ledsagarar grunna svært alvorlege funksjonsnedsettingar eller åtferdsutfordringar.

Det blir ikkje gjort ei økonomisk behovsprøving i samband med søknaden, og ordninga er ikkje knytt opp til om vedkommande mottek trygd eller anna økonomisk hjelp.

§ 8 Endringsadgang

Dei rettar og plikter som er sett i, eller som følgje av vedtak fattas i medhald av denne forskrifta, kan på eit kvart tidspunkt endrast, også med verknad for eksisterande brukarar av ledsagerbevis.

§ 9. Ikrafttredelse

Denne forskrifta trer i kraft den dato kommunestyret vedtek forskrifta.